



där Saach hei: Kommt, mir konzentrieren eis drop, dass Israel a Palästina eng Haaptstad hunn, déi se deelen, Jerusalem, dass d'Grenze vun 1967 respektéiert ginn, dass „swaps“ - Echanging - kënne gemaach ginn, dass selbstverständlech d'Sécherheet garantéiert ass vun Israel, dass se an Dignitéit an a Sécherheet kënne liewen, mä och, dass d'Palästinenser zënter 1948 e Stat versprach kritt hunn an dass se e Stat brauchen.

Ech erliewe vläicht net méi de Moment als aktive Politiker - wann een dat därf soen -, dass Palästina unerkannt gëtt. Ech hoffen et natierlech nach ëmmer, an ech mengen net, Här Wagner, dass Frankräich dat opginn huet. A wa Frankräich dat mécht, da sinn eng ganz Rëtsch vun europäesche Länner hannendrun an dann ass Lëtzebuerg och derbäi. Ech hoffen op jidde Fall, dass dat dann dee Moment ka méiglech ginn.

Ech wëll och nach vläicht en zweete Punkt soen, zum Här Moscovici, dat ass jo och vum Här Mosar opgegraff ginn. Ech mengen, ech wëll hei eise Premier wierklech verdeedegen, well hien ass net deen Eenzegen, dee sech an där Saach do opgereegt huet. An en huet sech zu Recht opgereegt. An ech menge souguer, wann ech un d'Mentalitéit vum fréiere Premierminister hei zu Lëtzebuerg denken, dass dee sech och opgereegt hätt. An ech soen lech och, firwat dass et richteg ass, sech opzereegen. D'Hollänner, d'Belsch, d'Irlänner, d'Zyprioten, d'Malteser, d'Ungarn hunn dat och gemaach geschter am ECOFIN, ganz, ganz bewusst a radikal.

Ech liesen lech emol, wann Der wëllt, vir, wat am Rapport steet. Et ass op Franséisch, hien huet et op Englesch gesot an der Kommission, an den Här Moscovici huet jo eng Pressekonzferenz gemaach mat senger Meinung doriwwer. Mä ech liesen lech et vläicht just vir, well et lech kéint interesséieren, wat am Rapport steet:

«Le Luxembourg a déjà pris des mesures et continue à modifier certains aspects de son régime fiscal qui facilitaient la planification fiscale des entreprises. Le régime fiscal favorable aux brevets applicable aux actifs incorporels constitués après le 1<sup>er</sup> décembre 2007 (veuillez lire: le 31 décembre 2007) a été abrogé à compter du 1<sup>er</sup> juillet 2016...» - bon, bis dohin ass et jo kloer - «...conformément à l'action 5 du projet relatif à l'érosion de la base d'imposition et au transfert de bénéfices.» Dat ass dee berüumte BEPS vun der OCDE.

Weider heescht et am Rapport: «En outre, le Luxembourg s'est engagé dans la réforme de la fiscalité internationale. Seules des données économiques limitées démontrent l'efficacité des régimes fiscaux favorables aux brevets comme moyen d'encourager la recherche et le développement; par contre,...», da kënnt dee Saz, op deem d'Kritik baséiert ass, «...ces régimes peuvent...» - peuvent! - «...être utilisés comme des instruments de concurrence fiscale.»

Dat ass dat, wat am Rapport vun der Kommission steet, iwwert dat, wou elo schonn zimlech vill Tënt an och Spaut verbraucht ginn ass. An duerfir géif ech mengen, wat ech geschter gesot hunn, dat ass net falsch, dass d'Kommission an och Lëtzebuerg dach misste capabel sinn, heiriwwer ze schwätzen a versichen, eng anstänneg Léisung doranner ze fannen. Ech mengen, ech sinn net Spezialist, ech sinn net an der Finanzkommission, mä Der wësst, dass mer wëllen 2018-2019 och déi Direktiven ëmsetzen, déi an der Lutte contre l'évasion fiscale eben um Tableau stinn.

Ee leschte Punkt wëll ech hei soen, Här President, iwwer Sainsbury, also iwwert dat, wat geschitt ass, Dramatesches, wat a Groussbritannien geschitt ass. Vläch fir kloerzestellen: Et ass ee Géft applizéiert ginn, dat an de 70er an an den 80er Joren an der deemoleger Sowjetunioun produzéiert ginn ass an nach ni agesat gouf. An dat Géft, just fir lech dat ze explizéieren, dat provoziert Muskelkontraktiounen, an erstéckten oder Häerzstillschlag ass d'Konsequenz.

Am Numm vun der Lëtzebuerger Regierung hei an der Chamber géif ech soen, dass mer eng voll Solidaritéit ausdrécke mat Groussbritannien an mam brittesche Vollek. Den Asaz vun engem Nervegas ass inakzeptabel a verstéisst a flagranter Aart a Weis géint internationaalt Recht!

Mir condemnéieren, an, ech mengen, d'Chamber ass och domadder d'accord, dese Virfall. A mir hoffen, dass alles gemaach gëtt, fir déi Verantwortlech zur Rechenschaft ze zéien.

Ech wëll hei soen, dass ech Russland nëmme kann a wëll encouragéieren, säint wierklech ze maachen, fir ze hëllefen, dass dese schreckleche Virfall komplett opgekläert gëtt, a wann en opgekläert ass, dass och dann déi richteg Konsequenze gezu ginn.

Ech soen lech Merci.

► **Plusieurs voix.**- Très bien!

► **M. Mars Di Bartolomeo, Président.**- Merci och dem Här Ausseminister. Den Här Mosar zu...

► **M. Laurent Mosar (CSV).**- Jo, zu deem Punkt vum Här Bettel. Elo wollt ech awer nach eng Kéier drop zrëckkommen, well ech mengen, dass den Här Ausseminister mech da vläch do falsch verstanen huet. Da wëll ech dat nach eng Kéier kloer soen.

Hei geet et drëm, dass den Här Statsminister sech ee Moment beschweiert huet, entre autres iwwer Twitter, dass et keen Echange préalable ginn hätt; keen Echange préalable. Dann äntwert, an ech liesen lech et vläch vir, Här Ausseminister, den Här Moscovici Folgendes: «Surpris par l'étonnement de mon ami @Xavier\_Bettel sur la position en matière fiscale! Les rapports publiés hier ont été envoyés il y a 2 semaines à tous les États membres pour qu'ils les commentent: ils l'ont tous fait. La transparence a encore du chemin à faire.» Dat seet also den Här Moscovici.

D'Fro ass also, an den Här Wiseler an ech selwer hunn dat och nach eng Kéier an enger parlamentarescher Fro gestallt: Hei gëtt kritiséiert, dass iwwerhaupt net mat de Memberländer doriwwer geschwat gëtt. Den Här Moscovici seet: „Dat ass falsch! Do ass all Memberland opgefuert ginn, e Rapport ze maachen. Dee Rapport ass vu Lëtzebuerg gemaach ginn.“

A mir wëlle just wëssen... Mir sinn um Fong bien-entendu op der Positioun vun der Regierung, mä et schéngt eis manifestement eng Konfusioun ze sinn, och um Niveau vun der Regierung. An déi Fro, déi ech mer gestallt hunn an och gär beäntwert hätt: Firwat gëtt do elo eppes kritiséiert, wou awer manifestement Rapporte waren, wou en Echange war, wou och Lëtzebuerg en bonne et due forme seng Positioun eraginn huet?

► **M. Mars Di Bartolomeo, Président.**- Här Ausseminister!

► **M. Jean Asselborn, Ministre des Affaires étrangères et européennes.**- Däerf ech?

► **M. Mars Di Bartolomeo, Président.**- Jo, selbstverständlech.

► **M. Jean Asselborn, Ministre des Affaires étrangères et européennes.**- Här Mosar, wat ech dorobber kann äntwerten, ass Folgendes: Wat ech lech elo gelies hunn, dat ass de Rapport vun der Kommission. Nieft dem Rapport vun der Kommission huet den Här Moscovici eng Pressekonzferenz gehalen. An ech mengen, dass de Premier op d'Pressekonzferenz reagéiert huet, well et net Usus ass, dass déi dote Punkten am Kader vum Semestre européen esou an de Vierdergrond gesat ginn.

Wann een dat heiten näamlech liest, dat, wat d'Kommission geschriwwen huet, also d'Kommission selwer offiziell geschriwwen huet, da muss een awer scho wäit siche goen, dass dat heiten eng grouss Kritik ass géigeniwwer eisem Land. An duerfir géif ech mengen: Loosse mer elo als Chamber, als Regierung, dat ass op jidde Fall mäi Wonsch, versichen, um Fong dat ze maachen, wat soll gemaach ginn, fir dass Lëtzebuerg total aus deem Schneider hei erauskënnt, well mir gehéieren net do derbäi!

Merci.

► **Mme Viviane Loschetter (déi gréng).**- Aus dem Schneider?

(*Brouhaha*)

► **M. Mars Di Bartolomeo, Président.**- Merci. Da si mer um Enn vun eiser aussen- an europapolitescher Debatt ukomm.

**Motion 1**

Mir sinn nach mat enger Motioun saiséiert, déi d'Ennerschrëft vun engem groussen Deel vun der Chamber dréit, awer net vu jiddwerengem.

Kënne mer direkt zur Ofstëmmung iwwergoen?

(*Interruption par M. Fernand Kartheiser*)

Selbstverständlech, Här Kartheiser.

► **M. Jean Asselborn, Ministre des Affaires étrangères et européennes.**- D'Regierung ass d'accord.

► **M. Mars Di Bartolomeo, Président.**- D'Regierung ass d'accord.

► **M. Fernand Kartheiser (ADR).**- Villmools Merci, Här President.

► **M. Mars Di Bartolomeo, Président.**- Jo!

► **M. Fernand Kartheiser (ADR).**- Jo, éischstens, mir begrëssen de Prinzip vun där Motioun. Et deet eis just leed, dass mer net d'Méiglechkeet haten, zesumme mat anere Kolleegen iwwert de Contenu an iwwert d'Formulatiounen ze schwätzen. Et wär Verschiddenes ze korrigéieren gewiescht. Et ass schonn hei

an enger anerer Interventioun ugeklongen: den ze vill eesäitege Charakter vun där Motioun. Dat ass eng Analys, déi mer am Prinzip kënnen deelen.

Och ass et esou, dass déi Resolutiounen vun der UNO net an hirem Geescht komplett erëmgespigel goufen. Et ass wuel richteg, dass de Waffestillschlag an där Resolutioun 2401, déi hei ernimmt gëtt, gefuert gouf. Et ass awer och esou, dass deen nächste Paragraf an där Resolutioun seet: Dat gëllt net fir déi Quartieren, wou d'Dschihadisten nach kämpfen. Et ass also een Aspekt, e wichtege Aspekt vun där Resolutioun, deen hei net berücksichtegt war.

Et ass och esou, dass déi Garanten, déi dräi Puissancen, déi hei genannt gi sinn, einfach net d'Kontroll hunn iwwert d'Totalitéit vum syreschen Territoire, soudatt hinnen net kann eng Verantwortung hei zougewise ginn, déi se an der Realitéit net kënnen erfüllen.

Et sinn also eng Rei Saachen hei dran, och wa mer d'Richtung vun der Motioun ausdrécklech ënnerstëtzen, wa mer genau sou wéi Kolleegen hei vun anere Parteie gär hätten, dass humanitär Korridoren existéieren, de Waffestillschlag gëllt, dass jiddweree seng Verantwortung hält, fir d'Zivilisten ze schützen, esou sinn déi Formulatiounen an där Motioun awer deelweis esou wäit ewech vun der Realitéit vum Terrain, dass mer eis bei där Motioun enthalten. Mir stëmme selbstverständlech net dergéint, mä mir kënne se och net an deene Wieder, wéi se hei formuléiert ass, approvieren.

Ech soen lech Merci.

► **M. Mars Di Bartolomeo, Président.**- Merci och. Den Här Mosar huet d'Wuert.

► **M. Laurent Mosar (CSV).**- Jo, ech muss lech soen, Här President, ech sinn awer elo wierklech erstaunt iwwert dem Här Kartheiser seng Aussoen, ganz besonnesch, dass net iwwert déi Motioun hätt kënnen diskutéiert ginn. Also, mir hunn déi Motioun eraginn, dat ass scho mindestens elo 14 Deeg hier. Déi ass un all Member geschéckt ginn. Mir hunn an der Kommission en long et en large doriwwer geschwat, d'ailleurs en présence och eng Kéier vum Ausseminister.

Den Här President, deen dat wierklech ëmmer exzellt mécht, huet gefrot: „Wëllt nach een eppes soen? Huet nach ee Suggestiounen, Commentairen, Kriticken?“ Ech muss awer éierlech soen, Här Kartheiser, ausser dass Dir gesot hutt: „Dat dote kënne mir wahrscheinlech net matstëmme“, hunn ech keng konkret Propositioun vun lech dozou héieren.

Et geet awer och net duer, fir ëmmer ze soen: „Et gëtt hei net diskutéiert.“ An deem Fall ass dat awer faktesch falsch! Dat musst Der lech awer och eng Kéier soe loosse! Wann Dir der Meinung sidd, dass dat dote keng gutt Motioun ass, da stëmmt se net vu mir aus, mä gitt wann ech gelift net soen, et wär hei net en long et en large doriwwer diskutéiert ginn!

► **Plusieurs voix.**- Très bien!

(*Interruption par M. Fernand Kartheiser*)

► **M. Mars Di Bartolomeo, Président.**- Merci. Nach weider Wuertmeldungen?

(*Négation*)

Dat ass net de Fall.

Da géife mer zur Ofstëmmung iwwert d'Motioun iwwergoen.

**Vote sur la motion 1**

An d'Ofstëmmung fänkt un. Fir d'Éischt déi perséinlech Stëmme. Dann d'Procuratiounen. An d'Ofstëmmung ass ofgeschloss.

55-mol Jo a 5 Abstentiounen: Domat ass d'Motioun 1 ugeholl.

Ont voté oui: Mmes Diane Adehm, Sylvie Andrigh-Duval, Nancy Arendt, MM. Emile Eicher, Félix Eischen, Léon Gloden (par Mme Octavie Modert), Jean-Marie Halsdorf, Mmes Martine Hansen, Françoise Hetto-Gaasch, MM. Aly Kaes, Marc Lies, Mme Martine Mergen (par Mme Diane Adehm), M. Paul-Henri Meyers, Mme Octavie Modert, MM. Laurent Mosar, Marcel Oberweis, Gilles Roth, Marco Schank (par M. Marcel Oberweis), Marc Spautz, Serge Wilmes, Claude Wiseler, Michel Wolter et Laurent Zeimet;

MM. Marc Angel, Frank Arndt, Alex Bodry, Mmes Taina Bofferdin, Tess Burton, M. Yves Cruchten, Mme Claudia Dall'Agnol, MM. Mars Di Bartolomeo, Georges Engel (par M. Alex Bodry), Franz Fayot, Claude Haagen, Mme Cécile Hemmen et M. Roger Negri;

MM. André Bauler, Gilles Baum, Mme Simone Beissel, MM. Eugène Berger, Frank Colabianchi, Lex Delles, Mme Joëlle Elvinger, MM. Gusti Graas, Max Hahn, Alexander Krieps, Claude Lamberty, Edy Mertens et Mme Lydie Polfer (par M. André Bauler);

MM. Claude Adam, Gérard Anzia (par Mme Viviane Loschetter), Henri Kox, Mmes Josée

Lorsché, Viviane Loschetter et M. Roberto Traversini (par M. Claude Adam).

Se sont abstenus: MM. Gast Gibéryen, Fernand Kartheiser et Roy Reding (par M. Fernand Kartheiser);

MM. Marc Baum et David Wagner.

Merci.

An da géife mer zum leschte Punkt vun eisem Ordre du jour iwwergoen. Et geet dobäi ëm de Projet de loi 6982 iwwert d'Marchés publics, wou sech an der Endversioun eng Rei vu materielle Feeler ageschlag haten. A fir op Nummer sécher ze goen, dass mer hei net e falschen oder e contestablen Text geliwwert hätten, wëlle mer fir d'Éischt de Vott, dee mer gemaach hunn, annulléieren an dann nach eng Kéier iwwert de Projet ofstëmme.

Hei ass decidéiert ginn, dass mer dat géifen ouni Debat maachen, awer net ouni Rapport. An ech géif der Madamm Rapportrice d'Wuert ginn, fir eis ze explizéieren, wéi dat mat deene materielle Feeler war. Madamm Lorsché, Dir hutt d'Wuert.

### 3. 6982 - Projet de loi sur les marchés publics

**Rapport complémentaire de la Commission du Développement durable**

► **Mme Josée Lorsché (déi gréng), rapportrice.**- Jo, dat maachen ech ganz gären, Här President. Ech kommen eben nach eng Kéier zrëck op d'Gesetz vun de Marchés publics, wat mer den 8. Februar op där Plaz gestëmmt hunn, nodeems de Statsrot keng Oppositioun méi erhuewen hat.

Am Nachhinein huet de Statsrot eis dun awer op eng Rei Erreurs matérielles higewisen. Dat ware beispillsweis Buschtawen, déi hätte misse groussgeschriwwen ginn amplaz kleng. Et waren och verschidde Buschtawe vergiess ginn, an een, zwee Renvoie waren erronéiert, soudatt en dowéinst d'Dispens vum zweete Vote constitutionnel net wollt ginn. A wéi et an esou Fäll üblech ass, hunn ech dun e Rapport complémentaire geschriwwen an deen och an d'Chamberskommission bruecht.

Fir d'Éischt wëllt ech awer da froen, ob Der d'accord sidd, de Vott vum 8. Februar ze annulléieren, fir dass mer dann an enger zweeter Etapp de Rapport nach eng Kéier kënne stëmme, dass heescht d'Gesetz nach eng Kéier stëmme an deem Sënn, wéi et dann elo richteg formuléiert ass. Dat heescht, fir d'Éischt Annullatioun vum Vott an duerno e frësche Vott, fir den Text ouni Feeler ze stëmme.

Ass dat esou verständlech?

(*Assentiment*)

► **Mme Viviane Loschetter (déi gréng).**- D'accord vun der grénger Fraktioun.

(*Interruption*)

► **M. Mars Di Bartolomeo, Président.**- Jo, mä bon. Et ass gutt gemaach.

(*Hilarité*)

Et ass gutt gemaach. Also, den Terrain ass gutt préparéiert, soudass ech lech elo géif froen, fir...

(*Interruption*)

Ah, ass eng Wuertmeldung do? Den Här Kaes.

**Discussion générale**

► **M. Aly Kaes (CSV).**- Jo, Merci, Här President. Et ass och net fir laang. Et ass just, fir dach awer ze erklären, firwat dass mer u sech de Rapport net gestëmmt hunn als CSV-Fraktioun, well mer einfach der Meinung waren, jo, dass méi explizit hätt missen an dee Rapport kommen, firwat dass mer déi Prozedur hei maachen, déi dach awer e bestëmmte Selteneheetswäert - Gott sei Dank awer - an der Chamber huet.

(*Interruption*)

An duerfir hu mer dee Rapport, wéi gesot, net gestëmmt, net matgestëmmt. Et ass awer ganz kloer, dass mer de Projet de loi wäerte matstëmme, well mir gradesou wéi d'Majoritéit dat Marché-publics-Gesetz wëllen hunn.

Ech soen lech Merci.

► **M. Mars Di Bartolomeo, Président.**- Merci och. Den Här Minister huet d'Wuert.

**Prise de position du Gouvernement**

► **M. François Bausch, Ministre du Développement durable et des Infrastructures.**- Merci, Här President. Merci der Madamm Lorsché fir hir Remarken. Ech wëll just heizou soen, ech





war jo och laang Deputéierten an ech ka mech awer gutt erënneren, datt et emol virkomm ass bei Gesetzer, zemools bei Gesetzer wéi deenen heiten, déi 100 Säiten hunn, datt Erreur-maté-riellé virkomm sinn. Et ass net fir d'Éischt. Dat ass awer elo kee Grond, fir ze soen, datt et soll virkommen.

An ech wëll lech och soen, datt d'Regierung jo amgaangen ass, drun ze schaffen, fir éisch- tens d'Echangen tëschent Chamber, Regierung an och Statsrot nach méi ze digitaliséieren. An da kënnt eppes hannendrun, ech mengen, wat zu Lëtzebuerg einfach feelt, wat et am Ausland scho laang gëtt: e Service de législation hannendrun. Dat heescht, eppes, wat tëschent der Chamber ass, dem Statsrot an der Re- gierung, wou d'Texter einfach iwwerpréift gi par rapport zu hirer Konkordanz um legislative Wee.

Ech mengen, dat ass eppes, dat bräichte mer. Et si vill Gesetzestexter, wou dat wahrschein- lech kaum e Problem stellt, mä bei esou volu- minéisen, komplizéierten Texter wéi deem hei- ten, déi op enger europäescher Direktiv op- bauen, wär dat sécherlech net vu Muttwëll.

Fir de Rescht: Selbstverständlech sinn ech frou, datt d'Chamber natierlech dee Vott haut hei hält, hoffentlech positiv mat 60 Stëmmen.

► **M. Mars Di Bartolomeo**, *Président*.- Merci gesot. Domat si mer um Enn vun eisen Netde- batten a mir géife fir d'Éischt zu der Annulla- tioun vum Vott iwwert de Projet de loi 6982 iwwergoen.

**Vote sur l'annulation du premier vote constitutionnel du projet de loi 6982 du 8 février 2018**

D'Ofstëmmung fänkt un. Also, wien dermat d'accord ass, fir de Vott ze annulléieren, stëmmt mat Jo. Voilà! Fir d'Éischt déi perséin- lech Stëmmen. D'Procuratiounen. An d'Of- stëmmung ass schonn eriwwer.

60-mol Jo. Unanimitéit! Domat ass deen éischte Vott iwwert de Projet annulléiert.

*Ont voté oui: Mmes Diane Adehm, Sylvie Andrich-Duval, Nancy Arendt, MM. Emile Eicher, Félix Eischen, Léon Gloden (par M. Marcel Oberweis), Jean-Marie Halsdorf, Mmes Martine Hansen, Françoise Hetto-Gaasch, MM. Aly Kaes, Marc Lies, Mme Martine Mergen (par Mme Diane Adehm), M. Paul-Henri Meyers, Mme Octavie Modert, MM. Laurent Mosar, Marcel Oberweis, Gilles Roth, Marco Schank (par M. Laurent Mosar), Marc Spautz, Serge Wilmes, Claude Wiseler, Michel Wolter et Laurent Zeimet;*

*MM. Marc Angel, Frank Arndt, Alex Bodry, Mmes Taina Bofferding, Tess Burton, M. Yves Cruchten, Mme Claudia Dall'Agnol, MM. Mars Di Bartolomeo, Georges Engel (par M. Roger Negri), Franz Fayot, Claude Haagen, Mme Cécile Hemmen et M. Roger Negri;*

*MM. André Bauler, Gilles Baum, Mme Simone Beissel, MM. Eugène Berger, Frank Colabianchi, Lex Delles, Mme Joëlle Elvinger, MM. Gusti Graas, Max Hahn, Alexander Krieps, Claude Lamberty, Edy Mertens et Mme Lydie Polfer (par M. André Bauler);*

*MM. Claude Adam, Gérard Anzia (par Mme Viviane Loschetter), Henri Kox, Mmes Josée Lorsché, Viviane Loschetter et M. Roberto Traversini (par Mme Josée Lorsché);*

*MM. Gast Gibéryen, Fernand Kartheiser et Roy Reding (par M. Fernand Kartheiser);*

*MM. Marc Baum et David Wagner.*

A mir géifen dann elo zum definitive Vott iwwergoen.

**Vote sur l'ensemble du projet de loi 6982 et dispense du second vote constitutionnel**

An d'Ofstëmmung fänkt un. Wien d'accord ass mam Projet de loi a mat de Korrekturen, dee stëmmt mat Jo, a wien net d'accord ass, dee stëmmt mat Neen oder enthält sech. D'Procu- ratiounen. An d'Ofstëmmung ass elo eriwwer.

De Projet de loi 6982 ass unanime ugeholl mat 60 Jo-Stëmmen.

*Ont voté oui: Mmes Diane Adehm, Sylvie Andrich-Duval, Nancy Arendt, MM. Emile Eicher, Félix Eischen, Léon Gloden (par M. Laurent Mosar), Jean-Marie Halsdorf, Mmes Martine Hansen, Françoise Hetto-Gaasch, MM. Aly Kaes, Marc Lies, Mme Martine Mergen (par Mme Nancy Arendt), M. Paul-Henri Meyers, Mme Octavie Modert, MM. Laurent Mosar, Marcel Oberweis, Gilles Roth, Marco Schank (par M. Claude Wiseler), Marc Spautz, Serge Wilmes, Claude Wiseler, Michel Wolter et Laurent Zeimet;*

*MM. Marc Angel, Frank Arndt, Alex Bodry, Mmes Taina Bofferding, Tess Burton, M. Yves Cruchten,*

*Mme Claudia Dall'Agnol, MM. Mars Di Bartolomeo, Georges Engel (par Mme Claudia Dall'Agnol), Franz Fayot, Claude Haagen, Mme Cécile Hemmen et M. Roger Negri;*

*MM. André Bauler, Gilles Baum, Mme Simone Beissel, MM. Eugène Berger, Frank Colabianchi, Lex Delles, Mme Joëlle Elvinger, MM. Gusti Graas, Max Hahn, Alexander Krieps, Claude Lamberty, Edy Mertens et Mme Lydie Polfer (par M. Max Hahn);*

*MM. Claude Adam, Gérard Anzia (par Mme Viviane Loschetter), Henri Kox, Mmes Josée Lorsché, Viviane Loschetter et M. Roberto Traversini (par Mme Josée Lorsché);*

*MM. Gast Gibéryen, Fernand Kartheiser et Roy Reding (par M. Fernand Kartheiser);*

*MM. Marc Baum et David Wagner.*

An da stellen ech déi Fro nach eng Kéier, déi ech awer scho beim éischte Vott gestallt hunn.

Froe mer d'Dispens vum zweete Vott?


**(Assentiment)**

Mir hunn also hei scho bal en drëtte Vott. Da soen ech lech Merci.

An d'Sëtzung ass elo gläich eriwwer. Vergiesst net, dass d'ëffentlech Sëtzung muer um dräi Auer ugeet! Also, um dräi Auer Rendez-vous muer de Mëtten.

Ech soen lech Merci, a kommt gutt heem!

**(Fin de la séance publique à 18.15 heures)**



Présidence: M. Mars Di Bartolomeo, Président • Mme Simone Beissel, Vice-Présidente

Sommaire

- Ouverture de la séance publique
  - M. Mars Di Bartolomeo, *Président*
- Heure d'actualité du groupe politique CSV au sujet de l'avenir de la place financière dans le cadre précis de l'évolution des cryptomonnaies
  - Exposé: M. Laurent Mosar (*dépôt d'une motion*)
  - Débat: M. Eugène Berger, M. Franz Fayot, Mme Viviane Loschetter, M. David Wagner
  - Prise de position du Gouvernement: M. Pierre Gramegna, *Ministre des Finances*
  - Motion 1 (*renvoi en commission*)
- Débat de consultation sur les grandes orientations du futur plan d'action pluriannuel d'intégration
  - Exposé: Mme Corinne Cahen, *Ministre de la Famille et de l'Intégration*
  - Débat: Mme Martine Mergen (*question de M. Fernand Kartheiser*), M. Gilles Baum, Mme Taina Bofferding (*question de M. Fernand Kartheiser*), M. Roberto Traversini, M. Fernand Kartheiser, M. Marc Baum, M. Marc Spautz
  - Prise de position du Gouvernement: Mme Corinne Cahen, *Ministre de la Famille et de l'Intégration*

Au banc du Gouvernement se trouvent: M. Pierre Gramegna et Mme Corinne Cahen, Ministres.

**(Début de la séance publique à 15.04 heures)**

1. Ouverture de la séance publique

► **M. Mars Di Bartolomeo**, *Président*.- Gudde Mëtteg! Ech maachen heimat d'Sët- zung op.

**(Interruption par M. Eugène Berger)**

Ech hunn nach Schwierigkeeten, d'Regierung gëtt déi ganzen Zäit opgehalen.

**(Hilarité et brouhaha)**

Mä elo huet se Plaz geholl. An ech ka meng traditionell Fro un den Här Finanzminister riich- ten, ob en eng speziell Matdeelung un d'Chamber ze maachen huet.

► **M. Pierre Gramegna**, *Ministre des Fi- nances*.- Näischt Spezielles.

► **M. Mars Di Bartolomeo**, *Président*.- Merci.

Da géife mer direkt zu eiser Aktualitéitsstonn iwwert d'Zukunft vun der Finanzplaz am Kader vun de Kryptowärung kommen, eng Aktuali- téitsstonn, déi vun der CSV ugefrot ginn ass a wou den zoustänneg Riedner scho prett ass. Den Här Laurent Mosar huet d'Wuert.

**2. Heure d'actualité du groupe poli- tique CSV au sujet de l'avenir de la place financière dans le cadre précis de l'évolution des cryptomonnaies**

**Exposé**

► **M. Laurent Mosar** (CSV).- Här President, Här Finanzminister, Dir Dammen an Dir Hären, mir hunn de Mëtten eng Aktualitéitsstonn hei ugefrot. Ech wollt direkt um Ufank soen: Mir wäerten an deem Kader och eng Motioun de- poséiere mat enger ganzer Rei vu ganz kon- krete Propositionen, soudatt ech dann direkt wäert 15 Minutten huelen. Ech fänken herno...

► **M. Mars Di Bartolomeo**, *Président*.- An d'Motioun verteidegen.

► **M. Laurent Mosar** (CSV).- Voilà! Ech fän- ken herno net nach eng Kéier un, Här Pre- sident.

Den Internet, esou wéi e sech an deene leschte Jore respektiv Jorzéngten entwéckelt huet, féiert eis gesamt Weltwirtschaft a Richtung vun enger globaler Digitaliséierung. Niewent all deenen neien digitalen Innovationen, déi an de leschte Joren an der Welt vum Internet op- getaucht sinn, sinn et déi sougenannten DLT - „distributed ledger technology“ - oder och Blockchain genannt, déi elo op e Maturitéits- stadium komm sinn, dee se extrem interessant mécht fir eis ganz Gesellschaft, eis Industrien, eise Finanzsystem, awer och eis Administratiou- nen a méi generell geschwat eis ganz Res- source-humainen.

An d'Aktualitéitsstonn vun haut, Här President, huet mer et dann och erlaabt, mech an deene leschten Deeg a Woche eigentlech mat enger ganz innovativer awer och faszinanter Techno- logie auserenezesetzen. An och wann ech nach laang net alles verstanen hunn, an ech mengen, et ass schwéier, an där Technologie alles ze verstoen, sinn ech dach haut wesent- lech méi schlau, wéi dat nach virun enger Rei Wochen de Fall war, ganz besonnesch wat des Technologie mat hire ganz ville Chancen awer och hire Risiken ugeet.

Fir d'Éischt hunn ech geléiert, datt Kryp- towärungen an de Blockchain zwee verschidde Puer Schong sinn, déi een och net soll direkt matene verméschen. De Bitcoin, wéi all aner Kryptowärungen, ass natierlech eng direkt Ap- plikatioun vun der Blockchain-Technologie. Des Technologie ass awer vill méi wäit an hirer Evo- lutioun a stellt u sech eng kleng Revolutioun duer, wat déi natierlech Mutatioun vum Inter- net a Richtung vu multiple Systemer vu Circula- tioun vun der Informatioun ugeet.

Här President, ier ech mech méi genau mat dëser Technologie befaassen, just e puer Wieder zu de Kryptowärungen. Bei dësen, an ech mengen, déi meeschte Kollege wëssen dat, handelt et sech u sech ëm privat Geldsystemer, déi eigentlech just op Algorithmen an op Netz- wierker opgebaut sinn. Des Geldsystemer, am Géigesaz zu den offizielle Wärunge, ginn na- tierlech vu kengen zentrale Banke kontrolléiert. An duerfir muss och all Investisseur sech bewusst sinn, datt den Handel mat dëse Kryp- towärungen extrem grouse Risiken ausgesat ass an datt ganz besonnesch de Risk vun enger Bos, déi hei eventuell kann zerplatzen, e Multi- pel méi grouss ass wéi bei deenen traditionelle staatleche Wärunge.

Ech gesinn duerfir am Moment och guer kee Grond, wéi verschidde Leit dat mengen, datt esou Kryptowärung staatlech Wärunge an Zukunft géifen ofléisen, well weder garantéiert dëst Privatgeld dem Spuerer méi Stabilitéit, manner Risiken oder manner Volatilitéit nach e méi gerénge Wäertverloscht als Konsequenz vun Inflation wéi traditionell Wärunge.

Fir mech existéiert doniewent ee ganz grouse Risk, an dat ass natierlech deen, datt esou Zorte vu private Wärunge ganz besonnesch in- teressant si fir potenziell Krimineller, déi natier- lech wäerte versichen, esou virtuell Geldsystem- mer ze hacken, ze manipuléieren oder och am Interessi vun Eenzellen ze mëssbrauchen.

Awer och fir de Konsument oder den Investis- seur, deen an des Kryptowärunge investéiert, kënnt dat Ganzt, an dat muss ee ganz éierlech hei soen, am Moment éischter nach enger Ach- terbanfaart gläich, an de Risiko, fir alles ze ver- léieren, ass deelweis nach méi grouss wéi am Casino, wou et zumindest gewësse Regele ginn, déi d'Spiller musse respektéieren.

Nach, Dir Dammen an Dir Hären, solle mir eis kengen Illusiounen hignn, datt des privat Geldsystemer sech an Zukunft weider wäerten entwéckelen. An duerfir, an dat ass och eng vun de Konklusiounen, op déi ech herno kom- men, ass et wichteg, datt mir eis awer hei eng Rei vu gesetzleche Bestëmmunge ginn, fir des Kryptowärunge ze regulariséieren, ze regu- léieren, well et ka jo och net sinn, datt mer se sech hei an engem komplett rechtsfräie Raum bewege loosse.

Ech begrëissen duerfir och de Communiqué, deen haut vun der CSSF publizéiert ginn ass, deen eigentlech déiselwecht Analys mécht, mengen ech, déi ech och elo hei gemaach hunn, an deen eigentlech och d'Positioun vun de Vertrieeder vun der Europäescher Zentral- bank iwwerhëlt, déi jo och schonn an de lescht- ten Deeg duerch verschiddener vun hire Mem- bere virun de Gefore vun dëse private Geldsys- temer gewarnt huet.

Här President, wat elo d'Technologie vum Blockchain betrëfft, muss ee se, an ech hunn et virdru gesot, also lassgeléist vun hirer nach am Moment wichtigster Applikatioun, de Kryp- towärunge, gesinn.

Mä wat ass fir d'Alleréischst iwwerhaupt eng Blockchain? Dat ass eng dezentral Datebank, déi eng ëmmer méi grouss Lëscht vun Transak- tiounsdatesätz ëmfaasst. Des Datebank gëtt da chronologesch linear erweidert an et kann ee se u sech vergläiche mat enger Ketten, déi um